

DEDICATIO.

Nam cum hujus RECTIONIS DIVINÆ indicia infinita, in tota Rerum Natura, se offerant, imò hæc ipsa tota quanta, nil nisi Miraculum, & Mysterium existat, DIVINÆ OMNIPOTENTIÆ placuit recentissimo Miraculo REGIAM TUAM MAJESTATEM in Theatri Humani scenam producere, & indicium Mortalibus facere, non ipsorum molitiones vanas, sed solum ARBITRIUM DIVINUM in tanta RECTIONE gubernaculum tenere. A nefariis Tyrannis, inaudito parricidio TUUM, & PATRIÆ PATREM, piæ memoriæ, REGEM omni laude majorem, è vivis exemptum, amisisti: Regno, & cunctis bonis orbatus in exilio inter peregrinos Exul & Extorris vivere coactus es. Odio internecino TE persequuti sunt inimici TUI, & inter ipsos peregrinos Extorri, & Exuli quietem, & vitam inviderunt: In humilitatis, & patientiæ Schola, invictissimo Res Adversas animo, excipere didicisti: Contra omnium hominum opinionem, ex Humilitate ad

DEDICATIO.

ad Sceptri Magnificentiam revocatus, ac in Solio Paterno, Avitoque collocatus, sine sanguine, & cæde, quietem dudum votis infinitis expetitam, POPULO TUO reddis. Mysteria hæc sunt, & Miracula omnem captum superantia Hominum Mortalium, ex quibus haud pauci, Æquitatis & Iustitiæ Studiosi, justissimam Parricidii horrendi, & Criminis PATERNÆ MAJESTATIS læsæ vindictam, atque MAJESTATIS TUE REGIÆ restitutionem æquissimam optare quidem potuerunt, providere cum cæteris nequiverunt. Miraculum igitur esto Rationis Humanæ acumen, & capacitatem penitus excedens, MAJESTATIS TUE REGIÆ Restitutio votis bonorum omnium unice desiderata; malorum, & hostium cunctorum rejecta; & omnium Mortalium opinione desperata, quæ procul dubio Magnam Mutationem proxime futuram, & Res Humanas alia ratione

[?] 3

dispo-